

Umjetničko veče Rusmira Agačevića 'Snovopisanje slova'

lh. aktualnosti prije 5 mjeseci

*Zapravo, ja i ne umijem ništa posebno uraditi osim da na hartiju prepisujem kapljice snova svojih i pokušavam ih u nestvaran mozaik maštanja posložiti, a sve se nadajući kako će ih neko prepoznati i uz njih mrvicu zastati i prozboriti.
Ovo je Rusmir. Prezime Agačević.*

U povodu 50 godina umjetničkog rada Rusmira Agačevića
pozivamo vas na umjetničko veče

SNOVOPISANJE SLOVA

Ex Ponto – mjesto susreta
Rodna kuća Ive Andrića
19. 6. 2025. u 20.00



(Izvor: Fena/Dram radosti)

Izdavačka kuća "Dram radosti" iz Travnika predstavit će u četvrtak, 19. juna publikaciju "Snovopisanje slova", objavljenu u povodu 50 godina umjetničkog rada Rusmira Agačevića.

- "Rusmir Agačević je dramski pisac, pripovjedač, autor književnosti za djecu, reditelj i glumac epizodnih uloga u brojnim pozorišnim predstavama izvođenim na amaterskim i profesionalnim scenama i festivalima u Jugoslaviji, scenarista i reditelj kratkih i dokumentarnih filmova te tvorac tekstova hitova pop muzike. Ostvario je značajnu umjetničku karijeru u 50 godina djelovanja. Široj javnosti Rusmir Agačević poznat je po televizijskom serijalu "Nedeljni zabavnik", u kojem je bio voditelj sa Seidom Memićem Vajtom - kazao je za Fenu urednik IK "Dram radosti" Enes Škrgo.

Na umjetničkoj večeri bit će predstavljen autorov rad uz sudjelovanje Ajše Halilović, Milene Vidačak, Ahmeda Kulenovića i Mirka Adžaića kao glumaca Amaterskog pozorišta Travnik koji su igrali u Agačevićevim pozorišnim predstavama, akademskog glumca Mateja Baškarada, pjesnika i kantautora Kenana Đidića. Moderator umjetničke večeri je Enes Škrgo, viši kustos Memorijalnog muzeja Ive Andrića.

Umjetničko veče bit će održano s početkom u 20.00 sati u Rodnoj kući Ive Andrića (Ex Ponto – mjesto susreta).

Organizatori događaja su IK "Dram radosti" i Zavičajni muzej Travnik.

Fena

promocija knjige